

SA's Leading Past Year

Exam Paper Portal

S T U D Y

You have Downloaded, yet Another Great
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexamapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LESIBILI LOKWENGEZA (SAL)

IPHEPHA LESITHATHU (P3)

NOVEMBA 2021

UMHLAHLANDLELA WOKUTSHWAYA

IMITLOMELO: 80

Umhlahlandlela wokutshwaya lo unamakhasi ali-12.

ISIGABA A: AMATHEKSTHI WOKUZITLAMELA (AMA-ESEYI)

UMBUZO 1

TJHEJA:

- **Kiwo woke amatheksthi yeleta inani lamagama aphakanyisweko. I-eseyi ephathelene nesithombe ayinikelwe isihloko esiyifaneleko.**
- Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambisana nesihloko.

1.1 Umnyaka wee-2020 ...

I-eseyi Ecocako.

Nakhu okuqakathekileko nakutshwaywa le eseyi:

- Ohlolwako kulindeleke bona acoce bekahlathulule isehlakalo esamvelelako ngomnyaka wee-2020.
- Ohlolwako kulindeleke bona atole indaba ibe sesikhathini esidlulileko beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

Ohlolwako angaveza **okhunye** kokulandelako:

- Ilanga lokhuthoma lomnyaka.
- Ukuqubuka kobulwele be-COVID 19.
- Isimemezelo sakamengameli.
- Ukuqinteliswa kwamakhambo.

[40]

1.2 Ngazibona ngiyikwekwezana.

I-eseyi Ecocako.

Nakhu okuqakathekileko nakutshwaywa le eseyi:

- Ohlolwako kulindeleke bona acoce bekahlathulule isehlakalo esamvelelako lapha azibona ayikwekwezana.
- Ohlolwako kulindeleke bona atole indaba ibe sesikhathini esidlulileko beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

Ohlolwako angaveza **okhunye** kokulandelako:

- Ukuthumba iphaliswano.
- Unongorwana engamthumbako.
- Ukuvela kumabonakude.
- Ukutlonyeliswa ngemali.

[40]

1.3 Angeze ngawukhohlwa umdlalo iwo.

I-eseyi Ecocako.

Nakhu okuqakathekileko nakutshwaywa le eseyi:

- Ohlolwako kulindeleke bona acoce bekahlathulule ngomdlalo awubona kumabonakude nanyana awuzwa emrhatjhweni.
- Ohlolwako kulindeleke bona atole indaba ibe sesikhathini esidlulileko beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

Ohlolwako angaveza **okhunye** kokulandelako:

- Umdlalo ovela kumabonakude.
- linqhema ebegade zidlala.
- Okwakwenzeka ngesikhathi somdlalo.
- Isiqhema esatumbako.

[40]

1.4 Ngiyokuthaba mhlana athabako naye.

I-eseyi Ehlathululako.

Nakhu okuqakathekileko nakutshwaywa le eseyi:

- Ohlolwako kulindeleke bona ahlathulule ngomuntu azimisele ukumthabiso ngebanga lezinto ezithileko amenzele zona.
- Ohlolwako kulindeleke bona atole indaba ibe sesikhathini sanje beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

Ohlolwako angaveza **okhunye** kokulandelako.

- Umbelethi okukhulise ayedwa.
- Isizo olifumene kuye.
- lintjhijilo ohlangabezene nazo.
- Indlela ozomthokoza ngayo.

[40]

1.5 **linkundla zokuthintana zilisizo.**

I-eseyi Ehlathululako.

Nakhu okuqakathekileko nakutshwaywa le eseyi:

- Ohlolwako kulindeleke bona ahlathulule iindlela ezihlukahlukene ko iinkundla zokuthintana ezimsiza ngazo.
- Ohlolwako kulindeleke bona atole indaba ibe sesikhathini sanje beyikholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

Ohlolwako angaveza **okhunye** kokulandelako:

- Ilwazi litholakala msinya.
- Abantu bafunyana ithuba lokuveza amazizo wabo.
- Lindaba eziyifihlo ziyavela.
- Umphakathi ukghona ukukhulumisana neenkhulu msinya.
- linkundla zokuthintana azibizi.

[40]

1.6 **Ukutshwaya ama-eseyi asuselwe ekurhumutjheni iinthombe.**

Ohlolwako kumele:

- Anikele i-eseyakhe isihloko esiyifaneleko.
- Ahlathulule i-eseyakhe ngananyana ngiyiphi indlela kodwana ikhambelane nesithombe.
- Akhethe nanyana ngiwuphi umhlobo we-eseyi okhambelana nesithombe.
- Ahlanganise ukuhlathululwa kwendaba nesithombe.
- Atole ngesikhathi esifaneleko.

1.6.1 Ohlolwako angakhetha nanyana ngiwuphi umhlobo we-eseyi afuna ukutlola ngawo. Kungaba yi-eseyi ecocako nanyana ehlathululako. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kuvezwe umntazana obonakala alila.

Ohlolwako angaveza **okhunye** kokulandelako:

- Ukuba namehlo amanengi.
- Ukuphela kwethando.
- Ukuvisola ngalokho okwenzileko.
- Igandeleleko ngokomkhumbulo.
- Ukufuluma isizo kibodorhodera.

[40]

1.6.2 Ohlolwako angakhetha nanyana ngiwuphi umhlobo we-eseyi afuna ukutlola ngawo. Kungaba yi-eseyi ecocako nanyana ehlathululako. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhambanofana aveze imibono efihlakeleko ngesithombe asikhethileko.

Kilesisithombe kuvezwe abantu abadala bahlezi eentulweni bambethe amamaski.

Ohlolwako angaveza **okhunye** kokulandelako:

- Ubulwele be-COVID 19.
- Ukuhlonipha imithetho ye-COVID-19 ngokufaka imaski.
- Ukuhlonipha imithetho nabasemrholweni.
- Ukuhlala maqalanga emrholweni/eentolo.

[40]

1.6.3 Ohlolwako angakhetha nanyana ngiwuphi umhlobo we-eseyi afuna ukutlola ngawo. Kungaba yi-eseyi ecocako nanyana ehlathululako. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhambanofana aveze imibono efihlakeleko ngesithombe asikhethileko.

Kilesisithombe kuvezwe umntazana ofundako begodu ulalele umvumo.

Ohlolwako angaveza **okhunye** kokulandelako:

- Ukufunda ngesikhathi seenhlahlubo.
- Ukufunda ulalele umvumo.
- Ukubuyekeza iimfundo.
- Ukufunda utbole namanowuthi.

[40]

IMITLOMELO YESIGABA A: 40

ISIGABA B: AMATHEKSTHI AMADE WOKUTHINTANA

UMBUZO 2

2.1 INCWADI YOBUNGANI

Nakhu okuqakathekileko nakutshwaywa incwadi yobungani:

- Iba nesiphande sinye, sitlolwe ngesandleni sokudla. Isiphande sotlolako siba nelanga elitlolwe ngesiNdebele isib: Janabari/Tjhirhweni ingasi ngesiNgisi. Tjheja: Isiphande, isilotjhiso nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Isilotjhiso asiphakamise ibizo lomuntu omtlolelako. Isib; Jabulile, Mma, Baba; njll.
- Esingenisweni akuvele umnqopho woktlola incwadi leyo ngobufitjhani. Isingeniso singaba mumutjho owodwa ukufika kemithathu ubunengi. Akucocwa iindaba ezinengi.
- Ohlolwako akahlathulule khudlwana emzimbeni amaphuzu akhambisana nomnqopho awuveze esingenisweni.
- Iba nesilayeliso. Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Iba nesiphetho. Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utbole igama lakho. Lokhu kwenzelwa ukobana loyo otlolelweko azi kuhle bonyana utlolelwe ngubani. Isibongo akufuneki ukobana usitole ngombana niyazana ninomuntu omtlolelako.

Ohlolwako angaveza **okhunye** kokulandelako.

- Ukumduduza ngokulahlakelwa mbelethi.
- Ukumenza aqine emmoyeni.
- Ukumenza angalahli ithemba lokuphila.

[20]

2.2 INCWADI YOMTHETHO/YABAKHULU

Nakhu okuqakathekileko nakutshwaywa incwadi yomthetho/yabakhulu:

- Iba neemphande ezimbili, zitlolwe ngokujayelekileko. Isiphande sotlolelwako asibi nelanga/idadamu ekutlolwe ngalo incwadi. Tjheja: limphande, isilotjhiso, isihloko nesiphetho azingabalwa lokha nakubalwa inani lamagama.
- Itlolelwa umuntu othileko onesikhundla esithileko. Ngalokho-ke kufanele otlolako aphakamise isikhundla saloyo amtlolelako ngaphambi kokutlola isiphande sesibili.
- Iba nesilotjhiso esingaphakamisi ibizo lomuntu otlolelwako kodwana kutlolwa bona Nomzananofana Kosikazi.
- Isihloko salokho atlola ngakho sitlolwa ngamagabhadlhela.

- Esingenisweni kufanele kutlolwe umnqopho/ isizathu sokutlola leyo ncwadi.
- Ohlolwako kulindeleke bona ahlathulule ngokuzeleko lokho akhuluma ngakho emzimbeni. Iba nomzimba lapha otlolako acoca khona indabakhe.
- Iba nesilayeliso. Kulindeleke bona asebenzise amagama afana nanaka: *Ngiyokuthokoza; Ngizokuthaba; Kuzongithabisa*.
- Iba nesiphetho esiveza bona ibuya kubani. Utlola amagamakhenofana iinthomo zamagamakhe nesibongo bese uyayitlikitla. Kulindeleke bona bengubo baveze bona bendile/batjhadilenofana awa ngokutlola Mm./Kkz./Ksz. ngemva kokutlikitla incwadi leyo. Lokhu kwenzelwa ukobana loyo otlolelwako azi kuhle bona utlolelwangebanani.

Ohlolwako angaveza **okhunye** kokulandelako:

- Imvelaphi yakhe.
- Isibawo sakhe.
- Imihlobo yokudla angayithabela.
- Amalunga womndeni ahlala nawo.

[20]

2.3 IKULUMO PENDULWANO

Nakhu okuqakathekileko nakutshwaywa ikulumo-pendulwano:

- Iba nesihlokwana esifikwa ngeembayaneni esihlathulula indawo, amabizo wabantu abakhulumako nalokho abakhulumuma ngakho.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziswa. Akutlolwa litho ngaphasi kwamagama walabo abakhulumako.
- Kutlolwa ikholoni emuva kwamagama wabantu abakhulumako.
- Imizwa yabakhulumako ayifakwe ngeembayaneni ngaphambi kwegama laloyo okhulumako.
- Isiphetho sendaba siba sekulumeni yabo, kuzwakale bona seiyaphetha.

Amaphuzu alindelekileko ngesihloko:

- Umraro womfundu.
- Amaqhinga wokufunda.
- Iiyeleliso zakatitjhere.
- Isivumelwano ngalokho afanele akwenze.

Tjheja: Abafundi bangaveza namanye amaphuzu angakavezwa ngehla.

[20]

2.4 IKULUMO EHLELEKILEKO

Nakhu okuqakathekileko nakutshwaywa ikulomo ehlelekileko.

-Ihloso yekulomo.

-linhlokwana ezilinndeke ngaphasi kwekulomo ehlelekileko:

Isihloko > - Kuqakathekile ukobana sibe nokuthi ikulomo izokwenzelwaphi, ngubani, ngaliphi ilanga begodu sethule okumunyethwe yikulomo.

Isilotjhiso> - Kumele ococako alotjhise abakhona ngokulandelana kwabo, abakhulu nabancani, abalamanise kuhle ngokweenkhundla zabo emehlwani womphakathi.

Isingeniso > - Kumele sidose kodwana sibe sifitjhani senze kobana balalele.

Ummongondaba > - Ikulomo ayitlolwe ngokucacileko.

Isiphetho> - Kungarhunyezwa ikulomo ngokubuyeleta okukhuluniwekonofana singafaka iseleta.

Ohlolwako angaveza **okhunye** okulandelako:

- Ithabo onalo.
- Ukuthokoza uZimu ngepilo kabamkhulwakho.
- Ukumthokoza ngokuba lisizo kini iinzukulwaneni.
- Ukuthokoza abantu abafake isandla ekwenzeni umnyanya lo.
- Ukuthokoza umndeni ohlala nabomkhulwakho lo.
- Ukuyeletisa abantu ngokudla ebangakudla ukuze bahlale baphilile.

[20]

IMITLOMELO YESIGABA B: 20

ISIGABA C: AMATHEKSTHI AMAFITJHANI WOKUTHINTANA

UMBUZO 3

3.1 ISIKHANGISO

Nakhu okuqakathekileko nakutshwaywa isikhangiso.

Ohlolwako angaveza **okhunye** kokulandelako:

- Indawo lapho ibhizinisi lakhiwe khona.
- Umsebenzi eniwenzako.
- Isikhathi sokuvula nokuvala.
- Inani elibhadelwako.
- Iindlela zokunithinta.

[20]

3.2 IDAYARI/UMALANGENI

Nakhu okuqakathekileko nakutshwaywa Idayari/umalangeni:

Ohlolwako angaveza **okhunye** kokulandelako:

- Kumele oyitlolako atbole ilanga phezulu.
- Kumele itlolwe ngelimi lomuntu okhulumako.
- Kumele itlolwe ibe sesikhathini sanje.
- Kuyenzeka godu itlolwe ibe sesikhathini esidlulileko.
- Kumele kutlolwe iingaba ezifitjhani.
- Kusetjenziswa ilimi elitjhaphulukileko.

[20]

3.3 IMILAYELO

Nakhu okuqakathekileko nakutshwaywa imilayelo.

Ohlolwako angaveza **okhunye** kokulandelako:

- Ihlathululo ye-Covid-19.
- Ubungozi bayo.
- Iindlela zokuzivikela.
- Amagadango ongawathatha nasele unobulwele be-Covid-19.

[20]

IMITLOMELO YESIGABA C: 20
INANI LOKE: 80

ISIGABA A: AMATHEKSTHI WOKUZITLAMELA (AMA-ESEYI)**TJHEJA:**

- Sebenzisa irubhrikhi njalo nawutshwayai-eseyi.
- Amamksi asukela eli-0–40 ahlukaniswe ngamazinga weenthadlhuli ezi-5.
- Amazinga AMABILI wokuthoma weentlhadlhuli ezihlau ahlukaniswe ukuya ngemitlomelo yezinga eliphezulu neliphasi.

IRUBHRIKHI YOKUHLOLA I- ESEYI – ILIMI LESIBILI LOKWENGEZA [40 AMAMAKSI]

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
OKUMUNYETHWEKO NOKUHLELA (Ukuphendula) Ukuhleleka kwemiqondo yokuhlela Ukulemuka komnqopho, abamukelilwazi nobujamo 24 AMAMAKSI	Izinga eliphezulu	22–24	18	12–16	7–11	0–6
		<ul style="list-style-type: none"> - Ukuphendula okudluleleko - Imiqondo ehlakaniphileko, netjengisa ukukhula. - Ukuhleleka okudluleleko nokukhambelana kwesingeniso, umzimba nesiphetho. 	<ul style="list-style-type: none"> - Ukuphendula okuhle khulu. - Kunobufakazi nokukhula okubonakalako nokumnandi. - Ukuhleleka okuhle nokukhambelana kwesingeniso, umzimba nesiphetho. 	<ul style="list-style-type: none"> - Ukuphendula okwanelisako. - Imiqondo ekhambelanako nekholisako. - Kunokuhleleka nokukhambelana okulingeneko kwesingeniso umzimba nesiphetho. 	<ul style="list-style-type: none"> - Ukuphendula okungakajami ndawonye. - Imiqondo engakanqophi. - Ubufakazi obuncani bokuhleleka nokukhambelana kwesingeniso, umzimba nesiphetho. 	<ul style="list-style-type: none"> - Ukuphendula okuphume endleleni khulu. - Imiqondo enganatlha nengazwakaliko. - Imiqondo engakahleki nengakhambelaniko.
	Izinga eliphasi	19–21	17			
		<ul style="list-style-type: none"> - Ukuphendula okudluleleko kodwana kutlhayela amatshwayo wendaba ehole. - Imiqondo ekhulileko nenokuhlakanipha. - Kunokuhleleka nokukhambelana okuhle kwesingeniso, umzimba nesiphetho. 	<ul style="list-style-type: none"> - Ukuphendula okuhle. - Imiqondo ekarisako nekhambelanako. - Kunokuhleleka nje kwesingeniso, umzimba nesiphetho. 			

IRUBHRIKHI YOKUHLOLA I-ESEYI – ILIMI LESIBILI LOKWENGEZA (Iyaraga) [40 AMAMAKSI]

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakalingani
ILIMI, ISITAYELA NOKU-EDITHA Iphimbo, irejista, isitayela, nelwazimagama elifaneleko nelihle ngokudluleleko, elinemba umnqopho, abamukelilwazi nobujamo. Ukukhethwa kwamagama, ukusetjenziswa kwelimi. Imitetjhwana, iimphumuzi, ihlelo, nesipelinghi.	10–12 - Iphimbo, irejista, isitayela nelwazimagama elifaneleko nelihle ngokudluleleko, elinemba umnqopho, abamukelilwazi nobujamo. - Ukusetjenziswa kwelimi kusezingeni elihle ngokudluleleko. - Ihlelo nesipelinghi esinganamphoso khulu (0- 4). - Kutlanywe kuhle ngokudluleleko.	8–9 - Iphimbo, irejista, isitayela nelwazimagama elifanele umnqopho, abamukelilwazi nobujamo. - Ilimi liyanemba belisetjenziswe kuhle - Ihlelo nesipelinghi akunamphoso khulu, zimbalwa (10-14). - Kutlanywe ngokusezingeni elilingeneko.	6–7 - Iphimbo, irejista, isitayela nelwazimagama elifanele umnqopho, abamukelilwazi nobujamo. - Ukusetjenziswa kwelimi okwethula ihlathululo. - Ihlelo nesipelinghi kuneemphoso ezinengi (20 kuya phezulu). - Kutlanywe ngokusezingeni elilingeneko.	4–5 - Iphimbo, irejista, isitayela nelwazimagama elifanele umnqopho, abamukelilwazi nobujamo. - Ukusetjenziswa kwelimi okusezingeni eliphasi. - Ihlelo nesipelinghi kuneemphoso ezinengi khulukhulu. - Kutlanywe ngokusezingeni eliphasi khulukhulu.	0–3 - Iphimbo, irejista nesitayela ezingakafaneli khulu, umnqopho abamukelilwazi nobujamo. Ilwazimagama elitlhayela khulu nelenza kube budisi ukuzwisa itheksthi. - Ilimi elingazwakaliko. - Ihlelo nesipelinghi kuneemphoso ezinengi ngokudluleleko/ - Abukho ubufakazi bokutlama
12 AMAMAKSI ISAKHIWO Amatshwayo wetheksthi. Ukwakhiwa kweengaba nemitjho nokuquntulwa kwamagama ngendlela engasiyo.	4 - Kuvezwe amatshwayo neminingwana evezweko sendaba. - Kunokuqongelana okuhle kweengaba. - Imitjho neengaba kwakheke ngendlela ehle.	3 - Amatshwayo neminingwana kuvezwe ngokulingeneko. - Kunokukhambelana okulingeneko kwendaba. - Imitjho neengaba kwakheke ngokulingeneko.	2 - Amatshwayo neminingwana kuvezwe ngokusisekelo. - Imitjho neengaba kwakheke ngokulingeneko.	1 - Amaphuzu neminye iminingwana yesakhiwo sendaba kuvezwe ngokusisekelo. - Ukwakhiwa kwemitjho neengaba kuneemphoso. - Indaba isazwakala kancani.	0 - Amatshwayo neminingwana efunekako kuyathayela - Ukwakhiwa kwemitjho neengaba kuneemphoso ezinengi khulu. - Indaba ayinamqondo.
4 AMAMAKSI	 - Kunokuqongelana okuhle ngokudluleleko kweengaba. - Imitjho neengaba kwakheke ngendlela ehle ngokudluleleko.				

ISITJENGISO SOKWABIWA KWEMITLOMELO:

Km- : (Tlola umtlomelo otholwe mfundi) L- : (Tlola umtlomelo otholwe mfundi) Sk- : (Tlola umtlomelo otholwe mfundi)

ISIGABA B NESIGABA C**IRUBHRIKHI YOKUHLOLA AMATHEKSTHI AMADE NAMAFITJHANI WELIMI LESIBILI LOKWENGEZA [20 AMAMAKSI]**

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLELA NESAKHIWO Ukuphendula nemibono. Ukubuthelelw nokuhleleka kwemibono. Umnqopho, abamukelilwazi, amatshwayo/imithetjhwan a kanye nobujamo 12 AMAMAKSI	10–12 - Ukuphendula okulindelekileko ngokudluleleko. - Imiqondo ehlakaniphileko nekhulileko. - Ilwazi elingeneleleko lamatshwayo wetheksthi. - Umtlolo unqophile. - Kunokukhambelana kokumunyethweko nomqondo. - Isakhiwo sihleleke kuhle ngokudluleleko yoke imininingwana esekela isihloko iveziwe. - Isakhiwo esifaneleko nesinembako.	8–9 - Ukuphendula okuhle nokutjengisa ilwazi elihle lamatshwayo wetheksthi. - Umtlolo unqophile, awukaphumi esihlokweni usekelwe kuhle ngendlela etjengisa ikghono. - Kunemininingwana esekela isihloko. - Isakhiwo esifaneleko kodwana esinokungakhambelaniko okuncazana.	6–7 - Akunakudzimelela nokukhambelana kokumunyethweko nemiqondo. - Eminye imininingwana esekela isihloko iveziwe. - Isakhiwo sifanele ngokulingeneko kodwana kunokungakhambelani	4–5 - Ukuphendula ngokusisekelo kutjengisa ilwazi lamatshwayo wetheksthi. - Kunokunqopho okumbadlwana kodwana okunengi kuphambene nesihloko. - Imininingwana esekela isihloko imbalwa. - Kunemithetho eqakathekileko yelimi esetjenziswe ngendlela ekungasiyo. - Kunobutjhapha obubonakalako emtlolwenakhe.	0–3 - Ukuphendula kutjengisa ukungabi khona kwelwazi lamatshwayo wetheksthi. - Akunakukhambelana kwemiqondo. - Imininingwana esekela isihloko imbalwa khulukhulu. - Akakasebenzisi amatshwayo nemithetho yesakhiwo.
ILIMI, ISITAYELA NOKU- EDITHA Iphimbo, irejista nesitayela kufanele umnqopho/umphumela, abamukelilwazi nobujamo. Ukusetjenziswa kwelimi nemithetjhvana yokutlolwa kwelimi. Ukukhethwa kwamagama anembako umnqopho. Ukusetjenziswa kwamatshwayo wokutlolola nesipelinghi. 8 AMAMAKSI	7–8 - Iphimbo, irejista, isitayela nelwazimagama kufanele umnqopho kuhle khulu, abamukelilwazi nobujamo. - Ihlelo lisetjenziswe ngokunembako begodu lihleleke kuhle khulu. - Kuneemphoso ezincani khulu.	5–6 - Iphimbo, irejista, isitayela nelwazimagama kufanele umnqopho kuhle, abamukelilwazi nobujamo. - Ihlelo lisetjenziswe ngokunembako belihleleke kuhle. - Akunamphoso ezinengi.	4 - Iphimbo, irejista, isitayela nelwazimagama kufanele ngokulingeneko umnqopho, abamukelilwazi nobujamo. - Ihlelo lineemphoso kodwana azilimazi ihlathululo.	3 - Iphimbo, irejista, isitayela nelwazimagama kufanele kancani umnqopho, abamukelilwazi nobujamo. - Ihlelo lineemphoso ezenza bona ihlathululo ingazwakali.	0–2 - Iphimbo, irejista, isitayela nelwazimagama akukhambelani nomnqopho, abamukelilwazi nobujamo. - Ihlelo lineemphoso ezinengi khulukhulu ezenza bona ihlathululo ingazwakali nakancani.

ISITJENGISO SOKWABIWA KWEMITLOMELO:

Km-/sk- : (Tlola umtlomelo otholwe mfundi) L-: (Tlola umtlomelo otholwe mfundi) Sk- : (Tlola umtlomelo otholwe mfundi)

Ilungelo lokukhuphela lifunjethwe